

H.N.Zool.
XII
1890

Zoolog 3037

XII 1590:5

HG-FB

Taf. L fehlt

s. 94.22

Tafel L ersetzt.

9.7.65 K.A


10 Tafeln 1/2/48 dle

XXX

SUB Göttingen
111 338 336

7





JO. FRID. BLUMENBACHII

PROF. MED. ORDIN. SOCIET. REG. SCIENT. GOETTING. LONDINENS. ET
SENENS. ACAD. AMERICANAEC ART. ET SCIENT. BOSTON. ITALICAE
PISANAE, FLORENTINAE, IMPERIAL. NATVRAE SCRVTATOR. MOSCOVIENS.
SOCIET. PHILOS. PHILADELPHICAE, ROTTERODAMENS. HARLEMENS.
MEDICAES PARISINAES, MONSPELIENS. LONDINENS. HAVNIENSIS, TIGVRINAE,
PARISINAES PHILOMATHICAE, PHILOTECHNICAE, MEDICAES AEMVLATIONIS
ET GALVANICAE, VETERINARIAE HAVNIENSIS, NATVRAE CVRIOSOR.
BEROLINENS. LINNEANAE LONDINENSIS, ALIARVMQVE PLVRIVM SODALIS,
INSTITVTI IMPERIALIS FRANCICI CORRESP.

D E C A S Q V I N T A

COLLECTIONIS SVAE

C R A N I O R V M
DIVERSARVM GENTIVM

ILLVSTRATA.

GOETTINGAE
APVD HENRICVM DIETERICH.
MDCCCVIII.

卷之四

CONTINENTAL

2021年9月1日 · 第40章 · 红楼梦 · 红学研究

Quando primum animum ad parandam ex diuersis per terrarum orbem populis craniorum humanorum collectionem appuli, variam quidem eiusmodi congeriee utilitatem ad illustrandam generis humani naturalem historiam perspexi; neque defuturas mihi occasionses sperauit ex principibus generis humani varietatibus vnum alterumue specimen acquirendi. Verum ut istam spem successus quem expertus sum ultra expectationem superauit, ita et utilitatem ex studio huius supellestilis deriuandam, longe vberiorem et magis multifariam deprehendi, quam quidem in antecessum putaram.

Vt enim pauca tantum e multis hic memorare liceat, inferuiit mihi ista collectio

1. ad quosdam characteres distinctiuos humano generi proprios constituendos, quo quidem in primis dentium incisorum inferiorum situm erectum, et quod huic positioni respondet, mentum prominulum, refero.

2. ad pulcherrimam et quasi idealem capitis ossei formam normalem demonstrandam, cui scopo v. c. eximum feminae Georgianaee cranium (— Dec. III. tab. 21. —) accommodatum est.

3. ad generis humani varietates quotquot hactenus innovuerunt, vni eidemque specie vindicandas, quae per varios gradus inter binae vniuersae scalae extrema Aethiopicam scilicet et Mongolicam formam, infinitis modis ludit.

4. ab altera vero parte et ad confirmandam diuisionem generis humani in quinas varietates Caucasiam inquam, Mongolicam, Aethiopicam, Americanam et Malaicam.

5. ad explicandam formam mixtam quae nempe populis ex diuersarum varietatum connubio ortis propria est, vt vc. Casacis (— Dec. I. tab. 4. —), Kirgis (— Dec. II. tab. 13. —) etc.

6. ad diluendas opiniones de putatitia vultus similitudine inter dissitas quasdam gentes, quas ideo inter se affines et cognatas crediderunt, vt veterum Aegyptiorum cum Sinensibus, aut horum ipsorum cum Hottentottis.

7. vtique vero ad illustrandum ortum quorundam populorum qui capitis conformatione euidenter cum aliis quibusdam conueniunt, vt prisci Guanchi insularum fortunatarum cum Libyco stemmate veterum Aegyptiorum (— Dec. V. tab. 42. —) aut lacutae cum aliis Mongolis (— Dec. II. tab. 15. —)

8. ad explicandas quasdam physiologicas diuersarum nationum proprietates, vc. insignem odoratum Aethiopum et Indorum Americae borealis (— Dec. I. tab. 9. —)

Verum taceo numerosas alias obseruationes quibus quadraginta caluariae quas ex supellectile mea selectas, quaternis decadibus hactenus selegeram, ansam praebuerunt, et his tanquam complementum, quintam adhuc decadem subiungo craniorum maxime memorabilium et rarissimorum; quibus tandem vnicas maioris momenti lacunas in ista collectione (quae dum haec scribo 134 continet specimina), feliciter expletas esse dicere ausim.

VARIETATIS PRIMAE

SPECIMINA BINAS

XLI. ARMENI.

(- Tab. XLI. -)

Egidem e Caucasia varietate, utpote quam pro primigenia habere cum physiologica tum historica argumenta suadent, primum prodeat caput osseum Armeni, cuius gentem ad antiquissimas omnium referre, imo vero quasi pro aboriginibus humani generis habere licet, siquidem ex Armeniae montosis iugis post noachicum diluvium orbis terrauei incolas denuo deriuatos accepimus.

Debeo hoc cranium amicitiae Cl. HACQUET, anatomes professoris in academia Lembergensi.

Viri est, 67 annorum, dum in viuis esset, ipsi HACQUETO probe noti.

Habitu suo proxime ab eo abest quem iudaea gens prae fert, maxime si nasum aduncum et mentum prominulum spectes, utpote in quibus simillimum est caluariae iudei centenarii quod antea exhibui (- Dec. IV. tab. 34. -). Et in vniuersum luculentam analogiam quae gentilium utriusque nationis vultum intercedit, tum mihi ipsi in curiis mercatorum videre licuit, quas praesertim Amitelodami et Londini ea caussa studiose frequentaui, ut diuersarum gentium natuuos characteres inuicem conferrem; tum vero et a curatissimis et quasi graphicis Armeniorum descriptoribus annotatum est. e quorum numero ipsum HACQUETUM in historia itineris per Daciae et Sarmatiae carpaticos montes a), et Cl. GEORGI in classica de gentibus quae vniuersum Russicum imperium inhabitant opere b), nominasse sufficiat.

A 3

Et

a) Reisen durch die Dacischen und Sarmatischen Karpathen T. II. p. 208.

b) Beschreibung alier Nationen des Russischen Reichs. p. 451.

Et quidem ille, qui ipse magnam Europae partem inuisit, expresse memorat, et hoc Armenis cum Iudeis esse commune, quod gentilium istum vultum vel in remotissimis regionibus, etiam si eas per longam iam generationum seriem inhabitarint, immutatum tamen seruent; imo et infantes eorum a patre Armenio ex matre alius gentis natos, nihilominus paternae stirpis physiognomiam tantum non plane intemeratam praese ferre.

Characteres primarii. Nasi ossa valde exorrecta, a lateribus compressa, et acuto dorsali iugo decurrentia. Frons reclinata. Glabella prominens, et tubera sinuum frontalium turgida. Maxilla utraque angusta.

Alia obseruata. Caluaria tenuis, proportione leuis. Meatus auditorii externi angusti.

XLII. GUANCHI TENERIFFENSIS.
— Tab. XLII. —

Inter cimelia musei mei anthropologici referto integrum
mumiam veteris *Guanchi* c), pretiosum donum perill. BANKSII
cuius munificentim toties iam expertus sum.

Quantum ex vniuersi corporis habitu, thoracis ad ilia relatione, claviculis etc. coniicere licet, muliebre est cadauer, cum ex antro sepulcrali subterraneo Teneriffae Londinum afferebatur, pro more priscarum istarum in insulis fortunatis aboriginum, totum quantum coriis caprinis, quae iam soluta seruo, curiose insutum d).

Ipsum corpus plane inodorum mirum in modum exsiccatum e), ita ut ossibus musculi firmiter adhaereant, integumentis quae vocantur communibus stricte obteci, ventribus vero encephali, thoracis et abdominis viscera adhuc contineantur.

Omnia vero adeo exsucca et leuia vt totum cadauer non nisi septem libras cum dimidia pondere aequet, cum tamen vel solum sceleton excarne feminae eiusdem statura, et rite ceteroquin siccatum at minimum denas libras pendat.

Caput mumiae quod hic solum exhibemus, faciali parte latius est, non quidem vt in mongolica varietate iugalibus ossibus fere in eodem horizontali plano vtrinque extantibus, attamen vt in eo vulgari veterum Aegyptiorum vultu quem alias a binis aliis quem in istius gentis monumentis videre licet distinximus f),
quorum

c) Verbum *Guan* lingua istius gentis hominem denotat. v. JOS. DE VIERA
(y Clavijo) *Noticias de las Islas de Canaria*. T.I. p. 131.

d) Cf EDM. SCORY in PURCHASE'S *Pilgrimage* p. 787.

e) Modum quo sacerdotes *Guan* horum funera haec parabant, curate de-
scribunt ABREU DE GALINDO in GLAS's *History of the Canary Islands*
p. 151. et VIERA I. c. p. 175.

f) In *philosophical Transactions* for 1794. P. I. p. 191. Cf. et PAULINI
▲ S. BARTHOLOMAEO *mumiograph. musei Obiciani* p. 25.

quorum quidem alter proprius ad Aethiopicum alter ad Indicum accedit. Vertex depressior; occiput tuberosum; frons spatiosa; limbus orbitae superciliaris ad processum orbitalis externum s. malarem valde protuberans; inferior faciei pars a naribus ad mentum brevior; maxillae inferioris curuatura magis arcuata quam elliptica, mentumque rotundatum; coronae vero dentium primorum inferiorum (nam superiores pridem ceciderant) neutquam scalpriformes ad demordendum aptae, verum obtusae, fere cylindrae, extima superficie plana detrita, verbo tales quales pridem ab aliis et a me ipso (— Dec. I. ad tab. I. et Dec. IV. ad tab. 31. —) in variis mumiis aegyptiacis annotatae sunt. Verum his conformatio[n]is singularis characteribus alia quoque accedunt momenta quibus prisci insularum fortunatorum incolae etsi tota fere Africae borealis latitudine a veteribus Aegyptiis diuisi tamen cum ipsis conueniunt, quo praesertim tum singularis defunctos condiendi ritus pertinet, itidem sacerdotibus pollinctoribus commissus, vt et lineae coralliorum quibus mumiae Guanchicæ aequæ ac aegypticae passim ornatae reperiuntur; tum vero et linguarum congruentia, siquidem Cl. MARDEN ex vocabulario Tuarikorum Aegypto vicinorum, quod desideratissimus HORNEMANN noster apud eos collegerat, affinitatem linguae eorum cum ea Numidarum seu Berberorum demonstrauit g), quam ipsam iterum cum Guanchica Canariensium insularum conuenire notum est. Ex quo triplici consensione vultus inquam gentilitii, linguarum et rituum peculiarium, communem tum alterius Aegyptiorum stemmatis, tum Guanchorum a Libycis s. Numidicis aboriginibus ortum, aut saltem cognationem eorum, probabiliter conjectare licebit.

g) v. HORNEMANN's *Tagebuch seiner Reise von Cairo nach Murzuk* p. 235.

VARIETATIS SECVNDAE
SPECIMINA BIN A.

XLIII. LAPONIS.

(— Tab. XLIII. —)

Cum Perill. THUNBERG a populari quodam docto aliquandiu nobiscum Goettingae versato acceperat diu iam sed haec tenus incassum me desiderare Lapponis cranium, pro singulari qua excellit tum humanitate tum naturalis historiae cultores iuuandi ardore, non destitit donec ope amici qui inter Lappones sacerdotis munere fungitur, bigam istius gentis craniorum, alterum maris alterum feminae acquireret, mihiique beneuole transmitteret. Vtrumque ex sepulcris templi hodie derelicti erutam est, in quo ante 24 et quod excurrit annos plures Lappones baptisati inhumati erant, quorum sceleta iam simul cum vestimentis suis ex renonum pellibus confectis, restabant. Quodus eorum ut alteri simillimum ita et ad amissim tam cum graphicis classicorum de Lapponibus auctorum descriptionibus *h*) conuenit, quam cum fidissimis quae passim extant eorum iconibus *i*), ut et cum vultu virginis Lapponicae quam ante decennium in comitatu nobilis cuiusdam Diuionensis ex boreali ista regione reducis et me visitantis videre mihi exoptata contigit occasio.

Charactères primarii. Cranium proportione staturaem magnum. Habitus in totum qualis mongolicae varietati sollemnis est. Caluaria fere globosa. Ossa iugalia extrorsum eminentia. Fossa malaris plana. Frons lata. Mentum prominulum acuminatum.

Alia obseruata. Palati fornix complanatus. Fissurae orbitaliae inferiores ingentes. Fossae iugulares ultra modum diversae magnitudinis; dextra amplissima.

h) Praeter notissimos de Lapponibus auctores, SCHEFFERUM, REGNARD, HÖGSTRÖM al. nominasse licet opusculum ab ipso Lappone editum s. t. *kurze Lappländische Beschreibung, von Nic. ÖHRS, gebohrnem Lappländer und der freyen Künste Besessen*. Hannov. 1704. 8. De auctore qui magnam Europæ partem peragrauerat et Regibus Carolo XI. Sueciae, Ludovico XIV. Galliae, Georgio I. magnae Britanniae et Imperatori Russorum Petro innotuerat, deque admiranda facilitate qua linguis exoticas didicit, cf. WEBERI verändertes Russland et SCHOBERRI memorabilia Russico Asiatica in MÜLLERI Sammlung Russischer Geschichte T. VII. p. 100.

i) v. c. in MATTH. CONSETT's Tour through Sweden. Lond. 1789. 4.

XLIV. SINENSIS.

(— Tab. XLIV. —)

Cl. JASSOV M. D. Batauiae in India orientali physicus et nosocomii medicus primarius, quondam auditor meus dilectissimus, opportunitate usus quam grauia sua munera ipsi praebent, mei memor maxime memorabilia diuersarum gentium Indicarum crania non solum collegit sed et nitide parauit, mihiique iunctim cum curata notitia quae ad historiam cuiusuis attinet, eaque tum ex diariis nosocomii, tum si hominum fuerant legali quod vocant sectione obductorum ex actis iudicialibus excerpta mihi transmisit.

Est et inter ea quod hic exhibetur caput Sinensis cui nomen fuerat Tan sayko, qui a. 1803. aetatis anno trigesimo aut quod excurrit in nosocomio Batauiae lethali capitis vulnere obierat k).

In vniuersum quidem habitu suo proprius a Mongolica varietate quam ab illa ceterarum abest, haud parum tamen a gemino Calmuccorum vultu differt quem quasi pro normali typo istius stemmatis habere licet l). Longe maior etiam inter Sinenses quam apud Calmuccos vultus varietas, quod mihi ipsi obseruare contigit, cum Amstelodami in publico diuersorio (Belg. *het Gasthuis*)

21 Si-

k) Adiecit quoque cl. JASSOV ipsi crano integrum nodum capillorum cadaveris, qui si cum aliis comparentur, quales ex maxime memorabilibus per orbem terraqueum gentibus mihi comparaui, praeter nigredinem rectitudine et maiori crassitie insignes sunt. cf. STAUNTON'S account of an Embassy to the Emperor of China T. II. p. 367. "Their hair so thick and strong, that, comparatively, they liken the hair of Europeans to the pile or fur of the smaller animals."

l) Hinc et quod iam alias monui, in quanis quinarum varietatum principium generis humani, vnam alteramue eius gentem adhuc a reliquis distinguere et quodammodo subdiuidere licet; ut a Caucasia, Hindostanicam; a Mongolica, Sinensem; ab Aethiopica. Hottentotticam; ab Americana boreali, australi; denique a fusco Malaicae varietatis stemmate, nigricans Papuense etc.

DEC. QVINTA COLL. SVAE CRAN. DIV. GENT. ILLVSTR. II

21 Sinenses nautas curatius contemplare data fuerit exoptata occasio *m*).

Osseum de quo hic agitur caput praeter alia dorso nasi profundius concauо praeſertim autem singulari fere subglobosa rotunditate partis alveolaris maxillae superioris notabile est, cui et arcuata curuatura dentium anteriorum superiorum, praeſertim quoad radices eorum, respondet. Conuenit cum hac structura quod DUHALDE de peculiari dentium superiorum apud Sinenses directione memorat *n*), cui quidem OSBECK tribuit quod ipsi quaedam verba singulari et aliis gentibus inimitabili ratione pronuncient *o*).

Ceteroquin egregium hocce cranium perfectissime congruit cum praeſtantissima iconе nautae Sinensis qui aliquamdiu Havniae degens a summo imaginum pictore JENS JUEL artis graphicæ professore Regio, pictura olearia masculine exhibutum est, quod iam Cl. SCHEEL, medici apud Havnienſes celeberrimi fauore, museum meum ornat.

m) Ex ipſa hac quam innuimus vultus Sinenſium varietate explicare licebit diuersas auctorum in describendis eorum craniis obſeruationes, ſicubi v. c. CAMPERUS ea Utahitensibus ſimillima eſſe dicat, cum contra illud de quo hic agitur ab Utahitensi quod antea exhibuimus (— Dec III. tab. 26. —) mirum quantum diſcrepet; aut ſi DAUBENTONIUS bina Sinenſium capita ossea in museo Parisino nullo notabili charactere ab iſtis fuae gentis diſſerre ſcribat.

Quod vero LINNEUS in ſystemate naturae Sinenses macrocephalos capite conico vocet et cum Alpium et Patagoniae incolis ad monſtroſas humani generis varietates relegeat, ni fallor vnicę de ſacerdotibus eorum mendicantibus intelligentum quibus NIEUHOFIUS capita violentis et diu repetitis artificiis monſtroſe deformari, quondam contenderat. v. NIC. MELCHIS. THEVENOT *Rélations de divers voyages etc.* T. III. p. 67. fig. II.

n) *Description de la Chine.* T. II. p. 275. ed. Haganae 1736. 4.

o) *Reise nach Ostindien und China* p. 226.

VARIETATIS TERTIAE
S P E C I M E N.

XLV. Bosjesmanni HOTTENTOTTAE.

(— Tab. XLV. —)

Cl. LICHTENSTEIN M. D. Helmstadiensis iam feliciter redux ex itinere Africano cuius vberiorem notitiam post praestantissima specimina in antecessum ab eo edita aude expectant omnes quorum historiae naturalis ac ethnologiae exoticae incrementum interest, praeter innumera alia quae ex triplici naturae regno per magnum Africae australis tractum ab ipso tanto solidioris doctrinae penu instructo, peragratum collegit, etiam quatuor crania memorabilis istius Hottentottarum stemmatis retulit quod inde a Sec. XVII. medio, hominum siluaticorum (Belg. Bosjesmannen) vulgari etsi minus congruo nomine innotuit p). Quaterna haec capita adeo perfecte inuicem conuenire compertum habemus q), vt difficile fuerit tantam similitudinem inter bina Europaeorum crania reperire. Integerrimo eorum vir humanissimus supellectilem meam ditauit, cui eo maius pretium accedit quod et facialem cutim cum subiectis musculis adiunxerit, quam a recenti cadavere artificiose soluit, et apto liquore ita seruavit, ut iam eam siue ipsi cranio siue gypfeo eiusdem ectypo superinducere adeoque ipsam barbari istius imaginem viuidissimam repraesentare

p) "The Bosjesmans seem to be the true aborigines of the (Hottentot —) country unmixed with any other tribes of people." Jo. BARROW in *Travels into the interior of Southern Africa* T. I. p 158. cf. quoque KICHERER's *Narrative of his mission to the Bosch  men in Transactions of the Missionary Society* vol. II. N. 1 p. 6. Sane longe a vero aberrare qui vulgo Buschmannos pro fugitiis Hottentottis habuere, pluribus demonstrabit cl. LICHTENSTEIN in ipso quod iam de itinere suo ad prelum parat opere. Cauendum interim ne forte Buschmannos cum Beetjuanis s. Huswannis confundas vt potestate quae bina stemmata vere ut Hottentottae proprie sic dicti a Caffris differunt, siquidem Beetjuanos ab his, Hottentottas vero a Buschmannis ortum duxisse verisimum est.

q) v GOTTL E. SCHULZE *  ber Gall's Entdeckungen die Organe des Gehirns betreffend* p. 26. vbi et V. Cl. curatam horum craniorum ut et vberiorem de Buschmannis notitiam dat a LICHTENSTEINO ipsi suppeditatam.

sentare liceat. Viri est sexagenarii, ex ea Africae australis regione quae fluum Aurantium (Belg. *Oranje-revier*) et Sacci (*Zack-revier*) interiacet, qui quidem postquam per triginta annos rapina et praedatione colonis Batauis praeferit in districtibus Roggeveld et Nieuweveld formidabilis fuerat, demum m. Maio 1805. comprehensus eodem anno decurrente in carcere obiit.

Characteres primarii. Cranium angustum, ad latera compressum, minus tamen quam in Aethiopibus genuinis. Ossium caluariae proprie sic dictorum vniuersa compages s. receptaculum encephali pro portione mire depresso, retrosum in occipite valde elongatum. Tubera frontalia prominula. Frons ipsa fere ad perpendiculum descendens. Nasi ossa perangusta, simul autem cum processuum nasalium in ossibus maxillaribus facie antica, fere in eodem plano horizontali posita, ita ut vniuersa area nasalis orbitas discriminans a glabella vsque ad narium aperturam declivis et late explanata descendat. Nares internae angustae. Ossa turbinata exigua. Processus malaris ossium maxillarium deorsum elongatus et quasi vncinatus. Mentum prominulum, mire angustum et peracutum. Coronae dentium, praeferit incisorum superiorum fere in totum detritae ^{r)}.

Alia obseruata. Ossa caluariae superiora, verticis inquam, frontis, et pars squamosa temporalium tenuissima, fere translucida. Ossicula nasi inuicem concreta. Pars malaris et sphenoidea orbitae sinistram vere absorbta, ita ut paries exterior foraminis oculorum magno hiatu quasi pertusus appareat.

Vniuerso ceteroquin habitu memorabile hocce cranium perfecte conuenit cum binis Boschmanni viri eiusque vxoris ad viuum in districto Roggeveld delineatis imaginibus quas Perill. BANKS ex magno suo periplo reportauit, mecumque cum tot aliis exoticarum gentium curatissimis picturis humanissime communicauit.

^{r)} v. BARROW's *voyage to Cochinchina* p. 382. "It was remarked that the oldest Bosjesmans they saw, had not lost a simple tooth, but that in many instances they were worn down in a remarkable manner to mere stumps."

VARIETATIS QVARTAE
SPECIMINA TERNATA.

XLVI. ATURI ORINOCANI.
(— Tab. XLVI. —)

ALEX. DE HUMBOLDT, quem et meis quondam paelectionibus interfuisse perassiduum et maxima spei auditorem gloriari mihi liceat, veteris amici vel in extremo nouo orbe quem itineribus suis impense illustrauit memor, praeter alia quibus apparatum meum rerum naturalium adauxit, in primis acceptissimo dono cranii de quo hic agitur me affecit, cuius historiam ex ipsis viri perillustris litteris subnectere liceat.

Extitit quondam in ea nouae Andalusiae interiore et parum cognita parte quae altum Orinocum ad ingentes Aturi et Maypuri cataractas^{s)} adiacet, populus Aturorum hodie extinctus, qui defunctorum cadavera magno numero et partim singulari modo curata, in cryptis subterraneis sepeliebat, quibus rupes graniticae in ipsis istis cataractis eminentes, excavatae sunt. Una harum speluncarum, Atarnipensis nempe, quam indefessus ille peregrinator non sine periculo inuisit, ad sexcenta continebat cadavera, quorum quodus corbe seu sacco inuolutum erat, ita tamen ut aliis horum inuolucrorum nuda ossa siue candida siue Bixae orellanae rubore tincta, aliis vero eadem mumiарum in modum bitumine et plantarum foliis permixta continerentur; imo vero et praeterea sarcophagi ex argilla non cocta parati et crocodilorum figuris picti adstarent 4 pedes longi, 3 lati et toti quanti ossibus repleti.

Cranium quod iam generosi viri cura ex isto sepulcrali antiquissimo recessu in meum museum transiit eum habitum prae se fert quem ipse iam in egregia dissertatione de Americae incolis ab originibus descripsit ^{t)}. Propius ille a Mongolico quam ab Aethio-

^{s)} Locus harum cauernarum sepulcralium notatur sub nomine *Raudal de Atures* in mappa geographicā apud ANT. CAULIN, *historia corographica natural y evangelica de la nueva Andalucia*, Madr. 1779. fol. Sitae sunt sub 5° 39' lat. boreal. et 51° longit. occid. inde ab ins. Ferri.

^{t)} In cl. BIESTER *neue Berliner Monatschr.* T. XV. p. 197.

Aethiopico abest. Zygomata quidem non adeo quam in illis complanata et extrorsum eminentia, attamen latiora quam in Aethiopibus, a quibus praeterea et caluariae et mandibulae inferioris latitudine differt. Frons valde reclinata elatiore linea per medium eius decurrente dirimitur. Narium apertura cum vniuersa olfactus officina amplissima; orbitae contra pro portione angustiores. Textura totius caluariae mire compacta et perdura, in locis durante longissima vectura attritu politis marmori aemula.

XLVII. BRASILIANI.

(— Tab. XLVII. —)

Cum ante aliquot annos illustrissimus ARAUJO Lusitaniae status minister, tam summis in rempublicam meritis quam omnigena eruditione aequa clarissimus, me inuiseret, egoque obiter memorassem post repetita et varia, ast hactenus incassa conamina spem denique me deficere obtainenendorum ex America Lusitanica craniorum indigenorum. Ille contra se omnem nauaturum operam promisit qua mihi vnum alterumue maxime genuinum Indi Brasiliani caput osseum compararet. Hincque Vlyssiponam reuersus curauit vt, nutu ipsius Supremi Regiminis Regii, Gubernium Parae Brasileense iuberetur deliderata barbarorum indigenorum crania transmittere. Quod quidem ita exsecutum est vt non solum tam virile quam femineum istius gentis cranium adueheretur, verum et tanquam rarissimum cimelium additum esset integrum Indi Brasiliensis caput integerimum admiranda plane et fere incomprehensibili ratione muniae ad instar conditum et omni ornatu quem defunctus pro gentis suae more quondam gesserat adhuc instructum. Quae omnia singulari cura perillustris DE MELLO FRANCO medici apud Vlyssiponenses aulici felicissimi, qui quidem ipse in Brasilia natus diu illinc degerat, ad manus meas peruererunt.

Miro artificio praeparatum caput non quidem a totius cuiusdam corporis medicato funere separatum est, sed statim post mortem defuncti abscessum fuisse oportet, siquidem cutis quae mandibulae inferiora

inferiora tegit et colli anticae parti praefixa erat, aequaliter tensa et fere usque ad foramen magnum occipitale retracta et absque ulla futura solis bituminibus arte reliquo capiti inferiori quasi agglutinata est; quod quidem non nisi in recenti cadavere fieri potuisse vel primo intuitu appareret u).

Cutis ipsissimum adhuc ex cupreo fuliginosum colore praese fert qui Brasiliensis nativus est.

Capillamentum circum verticem plane abrasum, in ipso vertice superstes quidem sed breue, pone aures longius, in vniuersum nigerrimum rigidiusculum x).

Barba tenuis in labro superiori et sparsim in mento y).

Orbitae et os duro bituminé repleta. Clausas palpebras significant bacilli ossi utrinque bini paralleli approximati ex dentibus Saviae *capybara* scalpti et bitumini firmissime inhaerentes. Ori contra infixa sunt bina extrema laquei gossypini bipedalis longitudinis, quo ut coniectari licet caput ipsum suspendebatur.

Auris utriusque cartilagineae longis incisuris pro more gentis innexi sunt crassi flocci filorum gossypinorum.

Ipse denique ornatus frontalis ex pulcherrimis pennis avium indigenarum, Tantali rubri, Ramphasti tucani, et Psittacorum praesertim *macaonis* et *araraunae* compositus et funiculis gossypinis artificiose contextus est z).

Omisli haec in icone ut capitibus ipsius forma eo melius apparet, quod quidem depresso breue et fere globosum exacte respondet descriptioni Equitis PINTO vicecomitis DE BALSEMAM qui Brasiliatorum faciem magis ab ouali remotam esse ait quam in ulla alia fortassis gente a).

u) Pluribus noui orbis barbaris populis moris erat, Cacicorum suorum defunctorum capita a reliquo cadavere separare et seorsim seruare. cf. v.c. HERRERA, *hechos de los Castellanos* Dec. III. L. IV. p. 164. ed. Madr. 1601. et ZOEGA de orig. obeliscorum p. 270.

x) v. ANT. KNIVET in PURCHAS's *Pilgrims* T. IV. p. 1228 sq.

y) v. BARROW's *voyage to Cochinchina* p. 110. de Brasiliensis quos ipse viderat: "the beard was visible only on the upper lip and under the chin."

z) LERY in DE BRY *Americae* P. III. p. 166. it. MARCGRAV p. 270.

a) ap. ROBERTSON, *history of America* T. II. p. 493. ed. Basil.

XLVIII. FEMINAE BRASILIANAE.

(— Tab. XLVIII. —)

Caput paruum, eleganter conformatum. Frons globosa. Nasus depresso, ampla tamen olfactus officina b), etiam sinus frontales tuberosi, quod in feminis ratur. Maxilla superior parum prominens; inferioris arcus ellipticus magis, non ut in aethiopibus parabolicus.

Conuenit in vniuersum tam cum capite quod antecedente tabula exhibuimus, quam cum eximiis iconibus militis barbari Brasiliani c) et feminae iuuensis eiusdem gentis quae auctore celebri pictore FRANCISCO POST d) in pinacotheca Regis Daniae adseruantur, et quorum egregia apographa manu cl. ABILDGAARD artis pictoriae Professoris apud Haynienses elaborata, cl. NEERGAARD M. Dri debo.

b) Conueniunt cum ea, quae de odoratus Brasiliensium acumine passim memorantur, ut in CL. D'ABBEVILLE *histoire de la mission en l'isle de Maragnon* p. 311. "Ils ont l'odorat si parfaitement bon qu'ils reconnoisront par iceluy seulement, non plus ne moins qu'un chien, sauf l'humanité, la piste de leurs ennemis; et discernent facilement par l'olfact deux personnes de diuerves nations."

c) Ex eorum numero quorum integras turmas sclopetis et ensibus rite armatas, JO. MAURITIUS Nassouicus Brasiliae quamdiu a Batavis occupata erat, gubernator, formari iusserat. v. J. P. AUGSPURGER'S *Seereisen nacher Brasilien* p. 23. 26. 41.

d) Quem idem MAURITIUS aequo ac Marcgrauium et Pisonem secum in Brasiliam duxit. v. HOUBRACKEN *Schouburgh der Nederlantsche Konstschilders* T. II. p. 343.

VARIETATIS QVINTAE
SPECIMINA BINA.

XLIX. BUGGESSI MACASSARENSIS.

(— Tab. XLIX. —)

Ex memorabili Indorum craniorum collectione qua apparatus meum ditasse Cl. Jassoy Bataiae medicum supra iam memini.

Viri est 30 circiter annorum nomine La Tua, qui lethali vulnera in nosocomio Bataiae an 1803. obierat.

Buggessi s. Bugginesi ex quibus ortus erat, singulare plane Malayicae varietatis stemma in australi insulae Celebes plaga constituunt e) ab ipsis reliquis Macassaribus vti peculiari plane lingua et propriis literarum formis et scribendi modo, ita et si ex crani de quo agimus conformatioe aliquid coniectari licet, vultu suo ab aliis Malayicis gentibus haud parum diuersum. Siquidem illud memorabili habitu quibusdam sui partibus aethiopico vultui appropinquare in aliis contra ad mongolicum quodammodo accedere videtur. Vti enim facies declivis et alveolaris portionis ossium maxillarium prominentia cum valde obliqua dentium incisorum superiorum directione caput hoc a latere spectatum aethiopico haud absimile reddit, ita contra idem ab antica facie spectatum, insigni latitudine ossium iugulum et orbicularum plano latoque naso longe a se inuicem distantium amplitudine etiam mongolici quid prae se ferre videtur.

Praeterea dentibus primoribus superioribus vitrea substantia in facie antica maximam partem gentium istarum more, coticulae ope deleta est f), omnes vero dentes continuo masticatorii vsu ex pipere betel et areca cum calce viua compositi, densa et fusconigricante crusta obduci g).

e) Cf. FOREST's *voyage from Calcutta to the Mergui — Archipelago et RADERMACHER* in *Verhandelingen van het Bataviaasch Genootschap* T. III. p. 206. Iconem Buggessi v. in VALENTYN's *Oostindien* T. II. p. 182. tab. 41.

f) Pluribus de hoc ritu egi libro *de generis hum. varietate* p. 230. ed. 3.

g) Cf. Decad. IV. ad tab. 39.

L. MARQVESANI.

(— Tab. L. —)

Debeo rarissimum et eximium hocce cranium amicitiae dilectissimi quondam auditoris, Cl. LANGSDORFF M. Dris et indefessi naturalis historiae scrutatoris, qui in nupero memorabili periplo, Ruthenorum Augustissimi Imperatoris iussu, duce perlustri et longe (meritissimo DE KRUSENSTERN, absoluto, in Nukahiwah primaria nouarum Marchionis insularum h) acquisiuit, mihique dum adhuc per biennium in Aleuticis insulis et vicinis Americae borealis oris remanet, interim per socios laborum et studiorum in tanto itinere feliciter in Europam reduces, dono misit.

Incolae harum insularum ab omnibus qui eas inuiserunt Europeis, vno ore pro pulcherrimis quod corporis symmetriam et proportiones attinet, non immensi tantum maris pacifici insulanorum, sed et reliqui qua late patet orbis terraue gentium, declarantur i), quod praesertim Cl. TILESII, Russorum Imperatori ab aulae consilio, meique amantissimi curatae dimensiones viri iuuenis Marquesani testantur k), quas iunctim cum insigni apparatu iconum rerum naturalium peritissima manu ab ipso in

C 2

itinere

h) Malo more plerique nuperorum nautarum qui ad hasce insulas appulerunt diuersa noua nomina ipsis imposuerunt; hinc v. c. a gallo MAR-
CHAND vocantur *Iles de la Revolution*, ab anglo VAN COUVER *Heges'ts Islands*, a Bostonio - Americano ROBERT *Washington's Islands*. Aptissime vero nominantur *Novae Marquesanae* cum vicinae sint antiquioribus eiusdem nominis quae ab Hispano navarcho ALV. DE MENDANA iam a 1595 inuisa et descripta pridem Europaeis innotuerunt.


i) v. COOK's *voyage to the South Pacific Ocean* T. I. p. 308. "The inhabitants of the Marquesas, collectively, are without exception the finest race of people in this sea. For fine shape and regular features they perhaps surpass all other nations."

k) v. eas in VOIGTIR *Magazin für den neuesten Zustand der Naturkunde* T. XII. p. 495. et in eiusdem promptuarii, T. XI. p. 299, iconem manus reginae Nukahiwensis a LANGSDORFFIO curate delineatam, vt specimen exhiberet eximii artificii et symmetricae elegantiæ qua memorabiles isti insulani corpora sua a capite vt aiunt usque ad calcem scarificando mirifice pingunt (quod vulgari Otaheitarum idiomate *tatower* vocatur).


itinere delineatarum et doctissima earum descriptione mecum amice communicauit.


Cranium ipsum Marquesani vti totali quidem habitu proprius abest ab eo Otaheitae quod alias (- Dec. III. tab. 36. -) exhibui, ita et in singularium partium fabrica peculiari, vt v. c. iuglo elatiore quod frontem mediam ad suturae locum percurrit etc. attamen conformatio[n]is elegantia hoc ipsum longe excedit, ad latera magis compressum, verticis fornice pulchrius arcuato, bregmatibus non adeo tuberosis, superciliis osseis prope nasum minus tumidis aliisque vel ex iconum comparatione patentibus momentis.

Ceteroquin caput hoc singulari modo pro more bellicosis istis anthropophagis solemini, qui nempe occisorum crania tanquam trophyea secum gestare solent, ligatum et ad suspendendum aptatum est; quo quidem fine cingulum ex corticis nucem cocos ambientis fibris artificiose plexum per narium meatum dicens mandibulam inferiorem cum ipsa caluaria firmissime iungit, quod et praeterea ligneo cylindro narium aperturae intruso eo magis immobile redditur; funiculus autem ex iisdem fibris contextus suspendendo capiti inseruit,



XLI. Armeni.






XLII veteris Guanche Tenerifensis.


10. 10. 10. 10. 10.
10. 10. 10. 10. 10.
10. 10. 10. 10. 10.
10. 10. 10. 10. 10.
10. 10. 10. 10. 10.




10. 10. 10. 10. 10.





XLIII Feminae Lapponicae.







XLIV *Tinenis.*






XLV Bosjesmanni Hottentottæ.







XLVI veteris Aturi.






XLVII *Brasiliani.*







XLVIII *Feminae Brasilianae.*







XLIX *Buggessi Macassarensis.*






L. Marquesani.








M. 20217

Med. Physiol. 276.





© SUB GÖTTINGEN / GDZ | 2010